



Република Македонија
НАРОДЕН ПРАВОБРАНИТЕЛ
O M B U D S M A N
Republic of Macedonia

R R E G U L L O R E

për mënyrën e kryerjes së parandalimit të torturës dhe llojeve tjera të veprimit brutal, jonjerëzor, nënçmues ose ndëshkues nga ana e Avokatit të Popullit si Mekanizëm Parandalues Nacional

Shkup, prill 2010

Në bazë të nenit 4 të Ligjit për ratifikimin e Protokollit Fakultativ të Konventës kundër Torturës dhe llojeve tjera të veprimit brutal, jonjerëzor, nënçmues ose ndëshkues (“Gazeta zyrtare e RM-së” nr. 165/2008) dhe nenit 4 dhe 17 të Protokollit Fakultativ të Konventës kundër Torturës dhe llojeve tjera të veprimit brutal, jonjerëzor, nënçmues ose ndëshkues, si dhe nenit 31–a, paragrafit 3 të Ligjit për Avokatin e Popullit (“Gazeta zyrtare e RM-së” nr. 60/2003 dhe 114/09) dhe nenit 5, alinesë 9 të Rregullores së Punës të Avokatit të Popullit (“Gazeta zyrtare e RM-së” nr. 11/2005), Avokati i Popullit miratoi:

R R E G U L L O R E

PËR MËNYRËN E KRYERJES SË PARANDALIMIT TË TORTURËS DHE LLOJEVE TJERA TË VEPRIMIT BRUTAL, JONJERËZOR, NËNÇMUES OSE NDËSHKUES NGA ANA E AVOKATIT TË POPULLIT SI MEKANIZËM PARANDALUES NACIONAL

Neni 1

Me këtë Rregullore rregullohet mënyra e kryerjes së parandalimit të torturës dhe veprimeve tjera brutale, jonjerëzore, nënçmuese ose ndëshkuese, nga ana e Avokatit të Popullit si Mekanizëm Parandalues Nacional, në vendet ku personat janë privuar ose ku mund të privohen nga liria.

Neni 2

Parandalimi kryhet me vendosjen e sistemit të vizitave të cilat mund të jenë të rregullta dhe të jashtëzakonshme ose të paparalajmëruara.

Neni 3

Vizitat kanë për qëllim t'i pengojnë dukuritë e torturës ose veprimet e tjera brutale, jonjerëzore, nënçmuese ose ndëshkuese të personave të privuar nga liria.

Vizitat e rregullta kanë për qëllim që, në periudha të caktuara kohore, të monitorohen gjendjet nëpër institucione dhe të evidentohet përparimi ose përkeqësimi i kushteve të vendosjes dhe trajtimi i personave të privuar nga liria.

Vizitat e paparalajmëruara kanë për qëllim kontrollimin e gjendjeve paraprakisht të konstatuara në vendet ku personat janë privuar ose mund të privohen nga liria dhe të ulët rreziku për pasqyrim jopërkates të gjendjeve ekzistuese.

Neni 4

Avokati i Popullit vizitat, nga neni 3 të kësaj Rregulloreje, i zbaton në stacionet policore, repartet e paraburgimit dhe repartet për persona të dënuar në institucionet ndëshkuese-korrektuese, edukuese–korrektuese, spitalet psikiatrike, vendet e tjera për privim nga liria, si dhe në vendet jozyrtare për të cilat Avokati i Popullit mund të ketë informata se personat janë privuar nga liria.

Neni 5

Gjatë vizitave Avokati i Popullit i monitoron gjendjet që kanë të bëjnë me kushtet materiale në institucione, kryen inspektim në të gjitha informatat me qëllim të përcaktimit të të gjitha aspekteve që kanë të bëjnë me numrin e personave të privuar nga liria, kushtet dhe trajtimin e tyre. Njëherësh, zhvillohen biseda me persona të privuar nga liria pa dëshmitarë, personalisht ose me përkthyes kur është e nevojshme, si dhe me çdo person tjetër për të cilin Avokati i Popullit beson se mund të sigurojë informacione thelbësore.

Avokati i Popullit ka liri absolute në zgjedhjen e personave me të cilët do të bisedojë.

Neni 6

Vlerësimi i kushteve në vendet e privimit nga liria përfshinë inspektimin e dimensioneve të ambientit, numrin e personave të vendosur në ambient, kushtet higjienike, pajisjen e ambientit me inventar (krevate, shtrojë, mbulojë, dollapë etj.), ndriçimin e ambientit (dritën e ditës dhe natyrale), ngrohjen, kushtet hidrosanitare, kontaktin me personat zyrtarë dhe rrethanat e tjera të cilat eventualisht do të mund të çonin në qëndrim çnjerëzor ose joadekuat.

Neni 7

Inspektimi në dokumentacion, në mënyrë të veçantë duhet të ketë për qëllim përcaktimin e numrit të personave të privuar nga liria në objekt, si dhe të gjitha informatat e tjera që kanë të bëjnë me trajtimin e tyre, përkatësisht gjendjen

shëndetësore ose gjendjet e tjera të cilat në mënyrë reale do të mund ta pasqyronin sjelljen ndaj personave të privuar nga liria dhe kushtet në të cilat janë vendosur ata.

Neni 8

Biseda me personat e privuar nga liria zhvillohet pa dëshmitarë, personalisht ose me përkthyes, nëse një gjë e tillë konsiderohet e domosdoshme. Avokati i Popullit ka liri absolute në zgjedhjen e personave me të cilët do të bisedojë.

Gjatë bisedës përpilohet shënim zyrtar për të dhënat e cekura nga personat e privuar nga liria.

Neni 9

Biseda me personat zyrtarë ka për qëllim potencimin e rëndësisë së vizitës, obligimin për bashkëpunim me Avokatin e Popullit dhe sugjerimin për lëshime të caktuara me qëllim që të mos përsëriten të njëjtat.

Neni 10

Pas përfundimit të vizitës përgatitet raport i veçantë i cili detyrimisht e përmban përshkrimin e gjendjeve të konstatuara, analizën e gjendjes, konkluzionet përfundimtare dhe rekomandimet.

Neni 11

Kjo Rregullore hyn në fuqi në ditën e miratimit.

AVOKAT I POPULLIT

Ixhet Memeti